



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CC. Markgraf Johann leiht den Gebrüdern und Vettern Stranz die gesammte Hand an den Dörfern Sieversdorf, Petersdorf, Petershagen und halb Brietzen, am 27. Januar 1480.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

CXCVIII. Markgraf Johann gestattet dem Hans Barfus zu Brädifow eine Verpfändung,
am 15. November 1479.

Mein gnediger herr Marggraue Johans hat hanfen Barfus czu Bredickow gegonet vnd erlowbet, das er hanfen Mewes, nemlich Sigmund, Marggretha vnd Sophia nachgelassen kindern auf einem Rechten widerkauf verkaufen vnd verletzzen moge vir schock Jerlich czinz vnd renthe In dorfern Bredickow In den Beredesten gudern fur hundert gulden Rinisch, doch also, das er oder sein erben solh vir schock wider abloszen vnd czu sich bringen sollen, so erst sie können vnd mogen. Actum Coln an der Sprew, am Montag nach Martini, Im LXXIX Jare der myner. czal.

Nach dem Churm. Lehnscopialbuche XXV, 298.

CXCIX. Markgraf Johann belehnt Claus Schrapstorf und seine Brüder mit Besitzungen zu
Fehlesanz und Feldheim, am 25. Januar 1480.

Wir Johans, von gots gnaden Marggraue czu Brandenburg etc., Bekennen etc. —, das wir vnsern lieben getrewen Clawfen Schrapstorp dem Eldern czu Tremen vnd Berndten, Clawfzen vnd Iorenczen, seinen brudern, die czu Irenn mündigen Jaren noch nicht gekommen sein, czu getrawer hand vorzutragen, Disze nachgeschribne gudere, Jerliche czins vnd renthe, Nemlich czwu hufen vnd ein virdel einer hufen, auch Iren teyl an einem pfündt Brandenburgischer groschen, auf einem Cossletten hoff drithalben schilling pfennig vnd funff Rochhüner vnde eynen Wulsten Cossaten houe, alles zu Velenantz gelegen, vnd eynen Cossaten houe zu velt-heyem czu rechtem Manlehne gnediglich gelihen haben vnd leyhen dem genanten Clawfzen Schrapstorp vnd Berndten, Clawfzen vnd Iorenczen, seinen Brudern, czu getrewer hant vorzutragen vnd iren rechten menlichen leibs lehens erben die vorgeschriben gudere, Jerliche czins vnd renthe, als solher lehen recht vnd gewonheit ist etc. Actum Coln an der Sprew, am dinstzag Conuersionis pauli, Anno domini etc. LXXX.

Nach dem Churm. Lehnscopialbuche XXV, 81.

CC. Markgraf Johann leiht den Gebrüderu und Vettern Strantz die gesammte Hand an den
Dörfern Sieversdorf, Petersdorf, Petershagen und halb Briezen, am 27. Januar 1480.

Wir Johans, von gots gnaden Marggraue czu Brandenburg etc., bekennen —, das wir vnsern lieben getrewen Jorg Strantz czu peterzdorf, hanfen vnd heinrichen Strantzzen, Gebrudern, seinen veddern, Disze nachgeschribne dorffer vnd guter czu rechtem Manlehen vnd gesampter hant gnediglich gelihen haben, Nemlicken das dorf Syberzdorf mit Irem hof

dafelbst, mit allen gnaden vnd gerechtigkeiten, Aufgenommen virzehen huben, so etlichenn Borgern von franckfort czugehorn, die dorffer peterzdorf vnd peterzhagen vnd das halbe dorff Bryzen mit allen gnadenn vnd gerechtigkeiten, mit holtzingen, grefzingen, wifzen, weyden, obersten vnd Nydersten gerichtten vnd allen andern czugehorungen, nichts nicht aufgenommen, czu den gnanten dorffern gehornde, als sie das von vnser herfchaft czu Brandenburg czu leben vnd befehlen haben. Wir leyhen yn vnd yren menlichen leibs lehens erben solch obgeschribne dorffer, Jerlich czins vnd renthe czu rechtem Manlehen vnd gesampter hant, In vnd mit craft dis briues etc. — Actum Coln an der Sprew, am donerfztag nach Conuerfionis paulj, Anno etc. LXXX^o.

R^{oc}. Episcopus Lubucensis, Cantzelarius.

Nach dem Churm. Lehnscopialbuche XXV, 82.

CCI. Markgraf Johann gestattet den Sparren zu Greifenberg die Verpfändung von Gehungen in Hohenfinow, am 29. Januar 1480.

Mein gnediger herr Marggraue Johans hat ludwig vnd Tyl Sparren czu grifenberg erlewt, das sy Claws von Arnym vnd seinen erben virzehen schock groschen merkischer lanczwerung In Irem Stetichen czu hohen vina fur vir hundert gulden Rinisch verkauffen vnd verfeczen mogen vff ein widerkauff, nach Innhalt defz kauffbriues, dar vber gegeben, doch das sy solch Jerlich czinz vmb dy hewptsumm obenberurt wider ablofzen vnd czu andern Iren gutern bringen sollen, so ersten sie können oder mogen. Actum Coln an der Sprew, am Sunabent nach conuerfionis pauli, Anno etc. LXXX.

Nach dem Churm. Lehnscopialbuche XXV, 299.

CCII. Markgraf Johann beleihet Nickel Pful mit 30 Hufen zu Steinbeck und achtehalb Hufen zu Dobbrickow, welche die Bonen besessen haben, am 29. März 1480.

Wir Johans, von gots gnaden Marggraue czu Brandenburg etc., Bekennen —, das wir vnnserm Rath vnd lieben getrewen Nickel phul, ritter, solch dreyffig huben, czu Steinbeck gelegen, mit aller gerechtigkeit oberst vnd nyderst, mit scheffereyen vnd gerechtigkeiten, kirchlehen, mit holczungen, grefungen, wasser, weyden vnd mit aller gerechtigkeit vnd achthalb huben auf dem feld czu dobbrickow mit aller gerechtigkeit, so Burckhart Bone vnd sein forfarn die bonen die besessen, Ingehabt vnd gebraucht haben, gekauft, die er vor vns auf sein vnd seiner erben behuf verlassen hat, czu rechtem Manlehen gnediglichen gelyhen haben, vnd leihen Im vnd seinen menlichen leibs lehens erben solch obgeschriben huben mit Irer czugehorung vnd gerechtigkeit In vnd mit craft dits briues etc. — Colen an der Sprew, am Mitwochen nach dem Sontag palmarum, Anno domini Millefimo quadringentesimo octauagesimo.

Nach dem Churm. Lehnscopialbuche XXV, 83.